



CANTIC

EVIT DIGUERI AR JUBILE.

Var ton : *Serez-vous donc, etc.*

Poent e zeo dêc'h, pec'her, } *bis.*
Distrei oue'h ho Salver.

En em rentit pelloc'h hep appel

Da vouez an Autroun souveren ;

Fell a so e mâ ous ho qervel ;

Grit n'er grayo pelloc'h e vœu.

Poent.

Penaus ! vit ur fals pli adurez

A gaver ebars er pec'het,

E fell deoc'h-hu evit ur james

Beza oue'h Doue separet !

Poent.

En eo hon Mestr leun a vadelez,

En eo hon Bannet, hon Doue,

Hac oc'h eus c'hoas an hardiegeuz

Da zont d'en ollanc'hemde !

Poent.

Anavezit hoc'h ingratiri,

Deplorit hoc'h oll pec'hejou,

Ha demeus ho customou impi

Brizillonit ar chadennou.

Poent.

Mar oc'h eus heuillet bete vrema

An hent rust dameus ar pec'het,

E zoe'h ebars en danger brassa,

Ha gouzoud ne songit get.

Poent.

Bars en un etat qen horrerus,
 E trista stat ma hoc'h ene!
 Seblantout a rit' beo ha joaüs,
 Mes maro oc'h dirac Doue. **Poent.**

Abers e justic' e verilit
 Ar brassa punitionou;
 Certen e goler, ma na chenchit,
 Prest ho cargo a c'houliau. **Poent.**

Ma teusse ar maro d'ho surpren,
 Da lemel digueneoc'h ho pue,
 E zai hoc'h ene d'an ifern:
 Ha na songit-u qet en ze? **Poent.**

Penaus bea qen disqiantet
 Var sujet an tan eternal
 Da bini e viot condaonet,
 Mar marvit er pec'het marvel? **Poent.**

Vit sortial eus hoc'h esclavach,
 Grit eta hoc'h oll effortchou;
 Rac mar differit c'hoas davantach,
 E teui creoc'h ho chadennou. **Poent.**

Ah! pec'her paour, danvad egaret!
 Perac-ta differi hirroc'h?
 Hemàn eo an eürussa moment:
 E mâ Doue ouc'h ho cortos. **Poent.**

Na scuizit qet ar baciantet
 Nac ar vadelez a Zoue,
 Rac assur e viot punisset,
 Mar disprisit e garante. **Poent.**

Gant ur güir glac'har d'ho pec'hejou;

Deut eta buan d'e gavet :

Un tad eo leun a vadelezou ;

A dra sur n'ho refuso qet.

Poent.

ABARS AR GONFERANÇ PE AN TAULENNOU.

Var ton : *Venez, venez, Esprit-Saint.*

SPERET-SANTEL, Speret a sclêrigen,
Dent... bisitit ho cuir servicherien :

A sclêrigen carguit hor sperejou,

A garantez tommit hor c'halonou.

An Ebestel en ur zal assamblei,

A dâh ho craç oc'h eus bet anflammet ;

Bet evidomp ar memes madelez,

Ne domp, siouas, nemet sempladurez.

Gret deomp bremâ clêvet ar gonferanç

Gant modesti ha gant perseveranç,

Evit disqi sclêramant ho lezen,

Ha goude-se e miret da vigen.

Mar deo an Taulennou, e leverer :

Grit deomp compren ar pezh a represant

An Taulennou a zo amâ presant,

Evit guelet ar stat eus hor c'houstianç,

Ha goude-ze beza en ho toujanç,

Action a C'hraç.

Me rent graç deoc'h, va Jesus, va Doue,

M'oc'h eus roet sclêrigen d'am ene,

Ha da veza imprimet em c'halon

Ar reglennou eus va religion.
 Grit din ar c'braç, va Jesus, me ho ped,
 Da bratica ar pez a meus disqet;
 Grit din beza eur servicher fidel,
 Ma jouissin eus ar gloar eternal.

SANTIMANCHOU AR PEC'HER PENITANT.

Var ton : *J'ai péché dès mon enfance.*

A VIANIC e meus pec'het,
 Hac offancet va Doue;
 Va ene paour ameus lazet;
 Ah! pebes maleur din-me!
 Piou a chencho va daoulagad
 En diou zourcen a zaelou,
 Da implori va Doue mad
 Coleret ouc'h va c'hrimou?
 Dre ur follentez insanset,
 Hac un arrach deplorapl,
 E zoun va-unan en em gollet;
 O maleur incomparabl!
 Ah! guechal e voan agreabl
 Da dri Ferson an Drindet;
 Bremâ, pec'her abominabl,
 E zoun esclav d'ar pec'het
 Imprimet e voa ho hanvou
 Var va ene innoçant;
 Bremâ e zeo leun a viçou,

Allas ! pebes chenchamant !

La , evit un netra , siouas ,
E meus bet sacrificet

Madou ha n'o devoe biscoas

O fuis etouez traou ar bed.

O saë caer eus va badiziant !

Ne meus biscoas comprenet

Ar pinvidiguezou charmant

A bere e voac'h ornet.

Graç , va Jesus ; graç va Zalver ,

Tenzor ar preciussa :

Petra ha penaus da ober

Evit hoc'h acquisita ?

Perac , Doue oll-buissant ,

N'oc'h eus-hu qet permetet

E vigen , deiz va badiziant ,

Maro , en douar rentet.

Rac neuze sur , ô va Doue !

N'em bije qet meritet

Coler va Mestr ha va Roue ,

Evel m'am eus cant guech grêt.

Mignonet traitour d'am ene ,

Va brassa ennemiet ,

Nac a c'hlac'har a goust din-me

Ho peza anavezet !

Teodou distrempet er poeson

Deus ar pincin infernal ,

C'houi oc'h eus souillet va c'halon

A bep seurt qentellion fall.

Bete re e meus profitet
 En ho scol pernicious ;
 Bete re e meus imitet
 Hoc'h exemplou maleurus.

Bete va c'halon int bet et ;
 Evel griet int ouzin ;
 D'ho zrec'hi , va Zalver biniguet ,
 Roit eur sicour benac din.

Deus an abimou estonet
 Grêt gant va oll bec'hejou .
 Me zavo va mouez truezus
 Da implori ho craçou.

Humiliet en ho presanç ,
 Hep credi sellet ouzoc'h ,
 Eus va oll disoboissanç
 Me c'houlén pardon diganeoc'h.

Stouet gant mez ha gant eston
 Amâ , betec an douar ,
 E scoàn va boull var c'halon
 Dirazoc'h , Done a c'hloar.

O va Done ! roit d'am lagad
 Daëlou ar güir binigen ,
 Grit din gouëla a galon vad
 Va dizurziou da viçen.

Grit din en em gassât bepret ,
 Hep james en em espern ,
 Ma c'hillin beza preservet
 Dious poänniou an ifern !

Me eo an danvad diançe

7
Va recevit, ô va Zad!
Me vo fur en amzer da zonet,
Me a zistro evit mad.

Pardonet oc'h eus da Sant Pêr,
Hac ive d'ar Vadalen;
Pardonit din, ô va Zalver!
N'oc'h offancin mui biqen.

CANTIC

Var ar seiz Station eus a Bassion hor Zalver

JESUS-CHRIST.

MAR qirit ober Orêson
Da Jesus-Christ en ho calon,
Grit peb sizun seiz Station
Da gontempli e Bassion.

D'ar Sul en ho calon dresset
Da Zoue ur Jardin Olivet;
Sellit en creiz Jesus hon Tad,
O c'huesi an dour hac ar goad.

D'al lun en hoc'h interior
Grit da c'hloar Doue un Auditor
Savit en e greiz ur piller,
Ma vo scourgeset hor Zalver.

D'ar meurs e guelet ho calon
Grit ur zal d'hon Roue gürion
Curunet gant ur gurunen spern
D'hon delivra eus an ifern.

D'ar merc'her en ho calon grêt
 Ur porchet, ma vo discuezet
 Gant Pilat d'ar bobl arraget
 Mab Doue, Jesus a Nazareth,
 Gant ur gurunen spern var e benn,
 Eu e zorn deo ur gorzen.

Eus ho calon leun a c'hlac'har
 Grit d'ar yaou ur memes Calvar
 Ma vezo Jesus o touguen
 Ar groas evit ar bec'herien.

Eus ho calon leun a c'hlac'har
 Grit oll da vener ur c'halvar;
 Ma vo Jesus crucifiet
 Evit hon lemel a bec'het.

Eus ho calon leun a c'hlac'har,
 Dresset da sadorn ur c'halvar:
 Adorit Jesus gouliet
 A zo eus ar groas disqennet:
 Adorit Jesus gouliet
 E barlen e Vam glac'haret.

F I N.

E Montroulez, e ty LÉDAN, e traon ru ar Vur.